

近代中國史料叢刊第六十一輯

沈雲龍主編

睦州存藁（增：臺垣疏稿）

丁壽昌著

文海出版社有限公司印行

睦州存藁

五
一
四

第 四 冊
國 本

增

臺垣疏稿

睦州存藁叙

大兒出守嚴州以民事積勞病歿余哭之慟越數日
又哭以詩云哭汝非私誼喪予失士賢訟寃眞盡孝
救父竟回天薄賦章曾上蠲災命不延禮經長子斬
何止痛三年噫兒能救余之生不能送余之死愁坐
終朝食不知味旣思焚送楮錢齋醮梵唄此世俗之
所爲非余所以重吾兒也不得已忍痛節哀蒐集篋
中手畢彙爲一編傳於當世爲身後名亦藉以抒余
之悲也迴憶兒幼時從余受學沈默者古敏慧過人
不獨譴訶未加抑且懽洽無間丹鉛一室風雨閉門
插架茂藏頗多兒關覽殆徧賞奇析疑極天倫之樂

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



睦州存藁叙

大兒出守嚴州以民事積勞病歿余哭之慟越數日
又哭以詩云哭汝非私誼喪予失士賢訟寃眞盡孝
救父竟回天薄賦章曾上蠲災命不延禮經長子斬
何止痛三年噫兒能救余之生不能送余之死愁坐
終朝食不知味旣思焚送楮錢齋醮梵唄此世俗之
所爲非余所以重吾兒也不得已忍痛節哀蒐集篋
中手畢彙爲一編傳於當世爲身後名亦藉以抒余
之悲也迴憶兒幼時從余受學沈默者古敏慧過人
不獨譴訶未加抑且懽洽無間丹鉛一室風雨閉門
插架茂藏頗多兒開覽殆徧賞奇析疑極天倫之樂

事取首廿年此境可再得乎兒三十以後服官都中
郵書每有詩文常繕稿寄求訂正余閱或置之兒亦
不自收拾及今愴甚始爲傳鈔先諫垣疏彙次靈鶴
書巢初彙次竹均軒詩彙次思尊館文彙次越石軒
廣彙其它著述讀易會通析理證事純懿清明不取
漢儒之爻辰卦氣亦不取宋儒之河洛先天綜覈羣
言上契十翼之正指積有十冊上下經已竣仿程傳
有經無繫傳之例尙可繕寫成書大學古本通釋十
三經正字古字通釋說文諧聲畏天錄文選續鈔南
朝尺素皆屬草未卒業又誤資治通鑑輯論山陽圖
經山陽文徵序目俱存甄錄未竟總題曰睦州存彙

兒由部郎入臺疏請減江浙七府糧賦正額得
旨允行嗣守浙郡益矢清勤兵燹之餘加意撫卹蛟水之
戾殫心賑施方冀推廣

皇仁展報

國安民之志竟以盡瘁隕身賚恨溘逝系以睦州蓋深
傷其止於此郡廬存遺墨如見其苦心也余年適七
旬一朝奄忽敝帚自盲猶望兒爲余檢存迺余反爲
兒哀輯魂夢顛倒氣鬱神昏拉雜書首不知涕之何
從也同治乙丑八月朔父儉卿甫泣叙

靈鵲書巢初藁

靈鵲書巢大兒幼時讀書處也院有海棠二株老樹
逾百年其側又生一株亦五十餘載兒幼肄業書院
從甘泉毛秋伯遊嘉其文翰之美秋伯取丁居晦翰
林壁記靈鵲棲海棠之兆將以玉堂期之也大兒丁
未膺館選秋伯猶及見之而今已矣茲輯其少作爲
初稿一卷拓翁記

鴛鴦產丹穴被體皆文章拊翼振奇采老鳳生輝光
吾友毓才子成童如老蒼詩歌擬退之欲與高頡頏
十四歲作怪石歌下筆姿瑰怪語重聲清鏘賓客各
用韓詩口技韻動色之子洵超常座間一老生嗟賞詞慨慷相士數

十年到今增淒涼今人不逮古豈以才短長高才博
通人過眼紛琳琅惘然負所學誦讀成秕糠善釣已
祿位不使民物康述作爲一時競響猶蠅螗遐觀韓
氏詩餘事非宏綱忠義填骨髓六經其肝腸萬死屹
不動紙上纔軒昂咄咄丁氏子年盛不可量安知厲
風力不如韓岨彊束髮抗此志進取乃古狂老生位
父執貢諛理則傷羣鳥嘈汝側汝宜干仞翔保茲爲
鳳德世世稱歸昌同里潘德輿

少陵示我宗武詩疾讀一過神爲馳英英太白露芒
角犖犖秘府呈珠璣豈無窘步躓復奮不似賈客居
爲奇我昔少年頗類此從衡自詡空當時甲子金陵

誠慎伯謂我未學初猶疑沉潛稍覺矜躁失漸漬久
與溫柔宜哀然巨裘付一炬如履已敝當棄之揭來
困學三十載思澀才鈍爲人嗤就中亦自有真得摘
句便當鬪鬚眉以心爲面詩作鏡纖豪不許逃妍媸
知人論世後賢在辛苦四目蒙熊皮我懷此意欲告
語非此子告而伊誰願興家學奮籌策塞淵淑慎眞
吾師止庵周濟

此君許作七言換韻詩矣時時有得詩之本旨者殆
出天授不開家學恨不與作中夜促膝譚也丁酉秋
七月安吳包世臣

縱橫馳驟規矩準繩天才旣特家法最精妙年得此

遠到何疑他日當不徒以詩人傳也丙申首夏宜黃黃爵滋

頤伯承其家學博綜經史詩文皆有爲而作不爲空談其中論河防錢法及抹災諸篇切中當世之弊東坡所謂鑿鑿乎如五穀可以療飢藥石可以伐病者詩亦清勁迥厚讀竟不勝心折略志數語於卷端丁巳初冬桂林朱琦

達人質直言况道翼音和克諧律按靡武文各識職兼同物則譬彼衣食布帛黍稷外此而索皆心所曠心譬相息衆徵厥德臨政是式保我民極甲子九月初一日秀水高均儒

睦州存藁目錄

江蘓山陽丁壽昌

卷首序行狀臺垣疏稿

卷一詩

卷二詩

卷三詩

卷四賦

卷五賦

卷六雜文

卷七雜文

卷八雜著

										目次
--	--	--	--	--	--	--	--	--	--	----

誥授中憲大夫道銜浙江嚴州府知府伯兄頤伯先

生行狀

曾祖諱熙采太學生布政司理問銜 馳贈徵
仕郎內閣中書銜 誥贈通奉大夫

祖諱琮附監生 馳贈文林郎翰林院庶吉士
加一級累贈奉直大夫刑部主事加一級晉贈
中憲大夫四品銜戶部郎中加三級 誥贈
通奉大夫

父名晏字儉卿嘉慶己卯科優貢生道光辛巳
恩科舉人前侍讀銜內閣中書咸豐十一年
奏保軍功加三品銜 賞戴花翎同治三年

奏保 賜二品封

誥授通奉大夫

門下

晚生顧雲臣頓首書名

先生諱壽昌字頤伯號菊泉明中葉丁氏自山東濟南遷淮遂爲山陽人嘉慶二十三年十二月初一日午時生吾 父通奉公長子吾 母朱太夫人出也 祖母劉太夫人喜抱孫歲寅誕降命小字曰虎兒生而天資聰慧沈默寡言弱不好弄五歲入學侍 庭訓一日能識百字 祖母極愛憐之性耆讀書 祖母恐其太勞諭侍婢勿早然鐙鐙上虎兒卽讀矣八歲冬大雪 祖母命作雪詩有句云高牀煖被猶嫌冷

何況窮簷乞食人 祖母喜曰虎兒仁厚性生
他日出仕必爲好官矣十二歲患痘不結痂危
甚 祖母夜不能瞑語吾 母曰是兒純篤孝
順將大吾門汝如有福兒必能生逾百日始獲
痊十三歲應延津申學使科試學使以幼防倩
人提堂上坐先生納卷早學使閱之喜形於色
旣而曰汝再讀書數年學更進矣榜發不錄十
四歲作怪石歌用昌黎石鼓詩韻同里潘先生
四農奇其才賦長歌以贈養一齋集贈丁郎詩
是也道光甲午應侯官廖學使歲試六角扇賦
周亞夫論取古學第一入縣學再試補廩膳生

乙未十八歲應省試涇縣包先生慎伯一見歎
爲後來偉器自書友天下士讀古人書聯語贈
之是歲應秋闈已報中第五名小錄傳播於市
數日忽易同鄉某人皆爲扼腕先生處之怡然
作莘士不遇賦荆溪周保緒廣文時官淮上重
其器量贈句云祇緣鍾福厚故使捷書疑自是
勵志勤奮從 家大人治經孳精許氏說文祛
段書之武斷擷桂說之淹通手抄十三經異義
數十卷己亥壽陽祁師視學江蘇訪求實學先
生試冠一軍擬陸敬輿冬至日北郊陪位聽太
和樂賦書淮南子後李廣程不識優劣論學使

激賞之嘉其淵源家學根柢槃深是歲禮亦以
淮屬經解第一受知入庠癸卯秋歷城毛學使
以優行貢成均

朝考入都應京兆試甲辰中式順天榜舉人丁未
應禮部試中式

殿試

賜同進士出身改翰林院庶吉士庚戌散館以主事
用分戶部學習貴州司主稿兼筦權稅鉤稽綜
覈吏莫敢欺時粵逆猖獗由楚直下豫章先生
感事撫時憂形於色癸丑春賊陷金陵鎮江先
生以主事具摺請堅壁淮揚以資保障練勇募

丁未

三

兵重扼三汊河口以杜賊竄江北管戶部祁相
各堂於二月初三日代 奏揚城尙未失守大
營駐五台山三汊河無兵固守廿三日賊至卽
陷矣是時楊河督延 家大人總辦團練扞衛
清淮又得今漕帥吳公時爲清河令併力同仇
淮郡賴以安堵突於十月中旬仇家誣陷經當
道 奏叅 家大人逮繫召埭甲寅三月先生
伏

闕訟寃赴都察院控告具 奏奉

旨丁壽昌卽飭令回籍聽候傳質向例

京控皆押解茲奉

恩飭自回洵異數也兩蒙

欽使讞案仰荷

聖恩宥釋歸田先生事竣入京旋補陝西司主事歷充戶部則例館提調寶鈔局官票所京銅局軍需局豁免處總辦平安峪監督初行鈔法先生議鈔法非不可行但期於必信行之於帑藏充足之時運實於虛其利甚溥行之於餉糈支絀之時以虛抵實其弊易滋當時頗不謂然後試行果窒礙又有妄人在部具呈言奉天直隸圍地旗產日久迷失若一律清楚升科可得地十萬餘頃稅銀五十餘萬兩堂派先生核辦先生謂

此項地畝勢所必有惟理財之道在於固邦本固邦本在於順民情未有擾民而可以理財者也不獨地方遼濶難以周知既防豪暴之侵欺尤慮仇讐之訐告姦民猾吏朋比爲奸弊不勝言無裨

國課莫若徧行曉諭令其自行呈報爲業者按畝升科庶報効之路日開訛詐之風自息當事者趨之遂罷其議先生在部日久每至官局不攜一僕清冷如冰介然自守值度支空乏深戒言利之弊未嘗輕上條陳其所見者大也升山西司員外郎己未鄉試

欽命順天同考官分第八房先生悉心校閱秉燭至
漏四下猶不肯寐得士最盛多寒素績學之士
時論翕然中額凡二十一人分撥他房者四人
升四川司郎中加四品銜庚申隨

欽使劉少司農查辦奉天海稅事件矢潔奉公供餽
一無所受同治壬戌擢福建道監察御史首請
停止江北畝捐以蘇民困又請永減江省蘇松
常鎮太倉浙省杭嘉湖七府一州漕糧正額使
億兆歸心賊人破膽上培元氣下順輿情庶江
浙士民感激涕零歡欣鼓舞已收復者亟思滅
賊未收復者率衆歸誠東南可指麾而定得

旨命允飭下部議施行未幾江浙次第收復一律肅
清江督曾侯相江撫李伯浙撫左伯軫念民瘼
推廣

皇仁爲數百年未有之曠典其端自先生啟之而亦
重賴諸巨公有以成之也計先生在臺未及一
載章奏皆

國計民生磊磊大者其他劾叅溺職不爲唯阿俱
邀

嘗暨甲子三月授嚴州府知府以在部勞績

欽加道銜返淮爲家大人慶壽色笑承歡十月抵
浙同官皆謂嚴郡兵燹之餘難以赴任署撫蔣

方伯亦欲留省先生辭曰苦缺豈可誘人非怨道也毅然以振興民事拊卹凋殘爲已任大憲愈倚重之莅任後懇荒田散牛種立義冢埋枯骸建造士子考棚興復雙峯書院招徠生聚與頌歡騰乙丑五月下旬蛟水暴漲平地深至丈餘先生廣僱救生船諭百姓遷居高阜親帶船隻四處拚援先生目短視昏黑跌水中幾溺幸篙工救起亟更溼衣仍指揮不輟以故民人一無損傷又稟請卹災賑錢米本屬停征建德淳安壽昌分水四縣全行豁免錢糧俱奉先行大憲批稟有皆賴賢太守一片苦心嚴民得有

生望之語詎意心力交瘁暑溼中傷六月杪染
瘧病七月初一日猶親寫家書手顫字草猶言
舊病脆弱不能楷書所 堂上一切放心延至
初八日醫藥罔效忽變傷寒之症十四日申時
遂歿於署年僅四十有八嗚呼痛哉先生自嚴
歸喪士民沿道相送隕涕焚香彌望百里喪至
杭省官紳迎匱設幕於鳳林寺自馬中丞吳學
政蔣方伯楊廉訪署糧道王補帆同年暨守令
各官及紳士同宗松生昆仲等奠醑致祭同聲
悼惜咸謂鞠躬盡瘁爲民捐軀也先是水災未
退先生禱於龍王廟六月朔忽見龍如巨槎鼓

浪上行夔時城水頓減病初作時先生謂家人
曰吾夢一錦衣人乘赤騎若使者狀持東帖召
吾行吾恐不起秀水高先生伯平輓聯云神之
格思能捍大患公歸不復有懷二人 家大人
哭以詩云哭汝非私誼喪予失士賢訟寃真盡
孝救父竟回天滅賊章曾上蠲災命不延禮經
長子斬何止痛三年先生覃思著述鉛槧不去
手詩才天授有道園遺山風格古文取法歐曾
疎暢條達以經史爲本根亦不廢儷辭古藻學
務平實力闢漢學宋學門戶之陋深明許鄭故
書蒼雅小學兼取程朱大儒義理精微著讀易

會通純懿清明不取漢儒之爻辰卦氣亦不取
宋儒之河洛先天蒼萃羣言契十翼之正旨上
下經屬草已完積十大冊祺擬仿伊川書有經
無傳繕寫成書十三經正字說文諧聲表皆草
創未卒業又謨古本大學通釋資治通鑑輯論
文選續抄山陽圖經山陽文徵序目俱存甄錄
未竟 家大人檢存遺墨編爲一集首臺垣疏
稿先生慎密章稿不以示人歿後從笥中得自
抄全稿 家大人命葉行之併恭錄邸抄

上諭以志

聖主賢臣之遇且彰忠盡之忱也次靈鵲書巢初稿

次竹均軒詩稿次思尊館賦雜文稿次越后軒
賸藁總題曰睦州存藁傷其止於此郡也先生
娶陶恭人乙卯先卒繼娶范恭人皆無出以祺
子厚福爲嗣祺少兄五歲少同肄家塾長同官
京師親愛無間教益良多己未通籍銓選農曹
迴避親兄改選刑部考取御史蒙

恩記名先生嘗曰決獄宜寬平察則非長者奏事宜
公正訐則爲小人祺謹誌之不敢忘先生考終
之日祺隨星輅奉差駐秦省行館是夕煩躁
不安假寐驚寤榻前如有人泣聲差旋至京始
知先生是日長逝相距六千里之遙英靈不隔

魂夢相通猶幸厚見隨侍任所親視殮含三弟
壽恆馳赴經紀以歸祺匏繫郎官竟不得撫棺
一慟南向長號負疚何已追述先生行事爲宗
鄙孝子爲諫院名臣處爲純儒出爲循吏生榮
死哀亦復何憾獨念嚴慈在堂廢孤在室
孔懷莫及抱痛尤深爰依漢鄭固弟立兄碑之
例表其遺行俾世之維風教者名宦鄉賢咨於
故實庶幾垂之青史以備輶軒之采焉期服弟
壽祺稽首謹狀

臺

垣

疏

稿

同治四年季冬
葉連平顏培瑚題
檢

臺垣疏稿目錄

請停止江北畝捐疏

請籌備京倉疏

請減江南蘇松常鎮太倉浙江杭嘉湖七府一州糧

賦正額疏

劾護理陝甘總督甘肅布政司軍情貽誤列欵奏參

疏

請直隸團練禦賊並劾新河武邑知縣失守城池議

罪疏

請京師普濟堂等處粥廠展賑兩月疏

請卹江蘇海州殉難紳民婦女疏

目錄

目錄